

Բ Ա Ն Ա Վ Ե Ճ Д И С К У С С И И

ԽՈՐԵՆԱՅՈՒ «ՊԱՏՄՈՒԹՅԱՆ» ՄԵԶ ՀԻՇԱՏԱԿՎՈՂ
ՀԱՅԱՍՏԱՆ ԵՐԿԻՐԸ ՈՒՐԱՐՏՈՒՆ Է, ԱՅՂ ՈՉ ԹԵ ՇՈՒԲՐԻԱՆ

Դ. Ն. ՍԱՐԳՍՅԱՆ

Ասորեստանի թագավոր Սինախերիբի (705—681) հայրասպան որդիներին ապաստան տվող երկրի վերաբերյալ Աստվածաշնչի եբրայերեն բնագրում հետևյալ տեղեկությունն է պահպանվել. «Ելավ և ետ գնաց Սանխերիբը (Sanherib)՝ թագավորը Ասորեստանի, իսկ ապրում էր նա Նինվեում: Նա աղոթք էր կատարում Նիսրոքի՝ իր աստծու տանը, իսկ Ադրամմեկեքը ('Adrammelek) և Շարեթերը (Šare'ser)՝ իր որդիները, սրով սպանեցին նրան և փախուստով փրկվեցին 'RRT երկրի: Եվ նրա փոխարեն թագավորաց Ասարխադդոնը ('Asarhaddon)՝ նրա որդին¹: Սակայն Աստվածաշնչի հունարեն, իսկ նրանից էլ հայերեն թարգմանություն մեջ Սանխերիբ անձնանունը վերադրվել է Սենեքերիմ, Ադրամմեկեք՝ Ադրամեկեք, Շարեթեր՝ Սարասար, Ասարխադդոն՝ Ասորդան, իսկ 'RRT երկրանունը՝ Արատ (հուն. Αραράτ, հայ. Ararat):

Բ. Բ. Պիոտրովսկին Սինախերիբի հայրասպան որդիներին ապաստան տվող երկրի մասին գրում է. «681 թվականին Սինախերիբը սպանվում է պալատական հեղաշրջման ժամանակ, ընդ որում Ասարխադդոնի դա՛ բարձրահասակը հետո թագավորին սպանողները փախչում են Շուպրիա: Աստվածաշնչում, որը պահպանել է այդ տեղեկությունները, հաղորդվում է, որ Սինախերիբի որդիները, որոնք սպանել են իրենց հորը, փախել են Ուրարտու»². «Նւրարատ (Ուրարտու)»³:

Ի. Մ. Դյակոնովը ընդգծում է, որ Բ. Բ. Պիոտրովսկու առաջ րաշած տեսակետը բխում է հայկական ժողովրդական ավանդության տվյալներից. «Աստվածաշնչում (II դիրք թագավորների [IV գիրք թագավորությունների]՝ XIX, 36—37) ցույց է տրված, որ նրանք (Սինախերիբի որդիները—Դ. Մ.) փախել են Ուրարտու, բայց Բ. Բ. Պիոտրովսկին հայկական ավանդության վերլուծության հիման վրա, որը պահպանվել է Մովսես Խորենացու մոտ (I. 23), եկել է այն եզրակացության, որ նրանք փախել են Սասունի լեռները (Ванское царство, էջ 127), այսինքն՝ Շուբրիա»⁴: Ի. Մ. Դյակոնովը, զարգացնելով այդ տեսակետը, միաժամանակ առաջ է քաշում նոր կոմպաններ. «(Աստվածաշնչի—Դ. Մ.) 'RRT -ն կարդա՝ «Ուրարտու»: Բայց Ն՝ Ե՞՞ (АВННУ—Դ. Մ.) տեքստից դատելով, Ուրարտուի թագավոր Ռուսա II-ը Ասարխադդոնի հետ բարեկամական հարաբերության մեջ է եղել, դրա համար էլ այդ հաղորդումը թվում է ոչ այնքան արժանահավատ: Կարող է պատահել,

¹ Священные книги (Ветхаго завета, для употребления евреям). Вена, 1877, т. I, II книга царей (IV книга царств), гл. XIX, с. 648, стк. 36—37 (ср. Исаия, гл. XXXVII, стк. 37—38); И. М. Дьяконов. Ассиро-вавилонские источники по истории Урарту (АВННУ).—Вестник древней истории (ВДИ). М., 1951, № 3, (№ 62).

² Б. Б. Пиотровский. Ванское царство. М., 1959, с. 112.

³ Б. Б. Пиотровский. О происхождении армянского народа. Ереван, 1946, с. 20.

⁴ И. М. Дьяконов. Предыстория армянского народа. Ереван, 1968, с. 172, прим. 264.

Սինախերիբին սպանողները փախել են Շուպրիա, որը հեռավոր Պաղեստինի գրողը մտցրել է Ուրարտու ընդհանուր հասկացության տակ, թեև այդ ժամանակ Շուպրիան փաստորեն չէր ենթարկվում Ուրարտուին»⁵:

Գ. Ա. Մելիքիշվիլին իր հերթին գրում է. «Աստվածաշունչը, օրինակ, հիշատակում է Սինախերիբի (Սանխերիբի) այն որդիների փախուստի մասին Արարատ (այսինքն՝ Ուրարտու) երկիրը, որոնք սպանել էին իրենց հորը: Ինքը, Ի. Մ. Դյակոնովը, քիչ հավանական է համարում ենթադրել, թե նրանք ապաստանելու իսկական տեղ գտան Ուրարտուում՝ որը այդ ժամանակ բարեկամական հարաբերության մեջ էր գտնվում Ասորեստանի հետ: Ըստ նրա կարծիքի այստեղ, հավանաբար, հոսքը Շուպրիա փախչելու մասին է (տե՛ս (ABU) IV, № 62, ժան. 6): Պարզ է, որ այստեղ «Ուրարտու» (տե՛րմինը) օգտագործվել է ընդհանուր իմաստով այն տերիտորիայի համար, որը տարածված է եղել Ասորեստանից հյուսիս, մոտավորապես այն նշանակությամբ, ինչպես ասորեստանցիները օգտագործել են հնագույն ժամանակներում «Նաիրի» տերմինը»⁶:

Ս. Տ. Երեմյանն այդ կապակցությամբ գրում է. «Հայկական պատմական ավանդույթները նշում է, որ Քաղիրթ (այժմ Բաթման-սու) գետի վերին յոսանքում ընկած Սանասունքը կամ Սասունը այն երկիրն է, ուր ապաստան են գտել ասորեստանյան թագավորին սպանողները... Պարսկություն կրելով, թագավոր դարձած Ասարխադդոնի (680—669) մարդասպանները փախչում են Շուպրիա»⁷:

Ակներե է, որ Աստվածաշունչը հունարեն և նրանից էլ հայերեն թարգմանողները բնագրի RRT երկրանունը ընթերցել են Ararat, իսկ վերոհիշյալ ուսումնասիրողները՝ Urartu:

Կումրանյան ձեռագրում (մ. թ. ա. III—II դդ.) Եսայու մարգարեության տեքստի RRT երկրանունը հանդես է եկել HWRKT ձևով: Եվս մի փաստ, ինչպես ընդգծում է Բ. Բ. Պիոտրովսկին⁸, որ այստեղ հերակի գործ ունենք Urartu-ի հետ:

Թվում է, թե հարցը ստացել է իր լուծումը՝ Սինախերիբի հայրասպան որդիները փախել են KURUrartu կոչվող երկիրը: Բայց վերոհիշյալ ուսումնասիրողները, ինչպես տեսանք, միաժամանակ այն կարծիքն են հայտնել, թե Սինախերիբի հայրասպան որդիները ապաստան են գտել KURŠubria երկրում, որն այդ ժամանակ չի եղել Ուրարտուի կազմում: Այդ առթիվ որպես փաստ նրանք վկայակոչում են Խորենացուն հասած հայկական ժողովրդական ավանդության տվյալները, ինչպես նաև Ասորեստանի և Ուրարտուի «բարեկամական փոխհարաբերությունները» Ասարխադդոնի (680—669) և Ռուսա II-ի (685—645) ժամանակներում:

Ինչպես տեսնում ենք, Սինախերիբի հայրասպան որդիներին ապաստան տվող երկրի վերաբերյալ հակասական կարծիք գոյություն ունի աղբյուրների և հետազոտող հեղինակների տեսակետների միջև: Ուստի անհրաժեշտ է մեկ անգամ ևս անդրադառնալ հիմնական աղբյուրներին՝ սեպագիր արձանագրություններին և հայկական ժողովրդական ավանդություններին:

Ասարխադդոնի և Ռուսա II-ի ժամանակ Ասորեստանի և Ուրարտուի փոխհարաբերությունների մասին տեղեկություններ են պահպանել ասուրական սեպագիր արձանագրությունները: Նախ պետք է նշել, որ Ասորեստանի թագավոր Սադգոն II-ի (722/1—705) ժամանակաշրջանի ասուրական արքայական հետախուզական նամակները⁹ տեղեկացնում են, որ VIII դարի վեր-

⁵ АВИИУ, № 62, прим. 6.

⁶ Г. А. Меликишвилл. Наири—Урарту. Тбилиси, 1954, с. 297.

⁷ Ս. Տ. Երեմյան. Հայ ժողովրդի կազմավորման ավարտը և հայկական առաջին պետական կազմավորումները.—Հայ ժողովրդի պատմություն. հ. I, Երևան, 1971, էջ 427:

⁸ Б. Б. Пиотровский. Ванское царство, с. 33.

⁹ R. F. Harper. Assyrian and Babylonian Letters (HABL). London, 1893, № 138; 1894, № № 251, 252; L. Waterman. Royal Correspondence of the Assyrian Empire (WRCAE). I, Ann Arbor, 1930, № № 138, 251, 252; АВИИУ, № 50 (32, 37, 38).

ջին քառորդում, մասնավորապես Ուրարտուի թագավոր Ռուսա I-ի (735—713) ժամանակ Շուբրիա երկիրը եղել է Ուրարտուի կազմում¹⁰։ Այնուհետև, է. Ֆորրերը՝ այն կարծիքն է հայտնել, որ ըստ Հարպերի № 138, 139, 705 նամակների, Ռուսա I-ի հաջորդ Արգիշթի II-ի (713—685) ժամանակ Շուբրիան անջատ էր Ուրարտուից։ Հավանաբար Շուբրիան Ուրարտուից անջատվել է 714 թ. Ասորեստանից Ուրարտուի կրած պարտությունից հետո¹²։ Ուրարտուից Շուբրիայի անջատված վիճակը պահպանվել է նաև Արգիշթի II-ի հաջորդ Ռուսա II-ի օրոք։ Այդ առթիվ կոնկրետ տեղեկություններ է հայտնում Ասարխադդոնը իր «Նամակ Աշշուր աստծուն» ուղերձի այն հատվածում, որը պատմում է Շուբրիայի վրա Ասարխադդոնի 673 թ. կատարած արշավանքի մասին. «Ուրարսացիները, որ Ուրարտուի միջից փախել էին դեպի Շուբրիա, Ուրսան՝ թագավորը Ուրարտուի, նրանց մասին գտել էր նրան (Շուբրիայի թագավորին—Գ. Ս.) և չէր լսել նա նրա հոգամանը՝ նրանց վերադարձնելու մասին հանդուգն (նամակ) էր գտել նրան և ատելությամբ պատասխանել։ Երբ Շուբրիան Աշշուրի՝ իմ տիրոջ, դռնովից քրավեցի և նրա ժողովրդին գերեզմանեցի, որպեսզի երդումը պահպանվեց, մեծ աստվածները ճշմարտություն և արդարություն են պարգևել ինձ, այդ մարդկանց մասին հարցրեցի, հարցաքննեցի, քննեցի և փախստական ոչ մի ուրարտացի չպահեցի, ոչ մեկին չթողեցի, իրենց երկիրը վերադարձրի»¹³։ Այս հատվածում ուշագրավ է ոչ միայն այն, որ 673 թ. արշավանքի նախօրյակին Շուբրիան անջատ էր Ուրարտուից և նրա թագավորը չէր լսում Ուրարտուի թագավորի խնդրանքը՝ ուրարտական փախստականներին վերադարձնելու հարցում ու պատասխարում էր նրանից զոգո՞ւ մարդկանց, այլև այն, որ 673 թ. արշավանքի ժամանակ Ուրարտուի թագավորը Շուբրիայի հարցում ոչ մի միջամտություն ցույց չի տալիս. ավելին, Ասորեստանի թագավորն էլ Շուբրիայից հավաքում և Ուրարտու է վերադարձնում նրա փախստականներին։ Շատ մասնագետներ¹⁴ հենց այս փաստը հաշվի առնելով է, որ Ասորեստանի և Ուրարտուի փոխհարաբերությունները 673 թ. արշավանքի ժամանակ դիտում են որպես բարեկամական։

Սակայն հետաքրքրական է, որ Ասարխադդոնը «Հարցում Շամաշ աստծու մարգարեությանը» քաղաքական բնույթի տեքստերում հայտնում է, որ Ուրարտուի նույն թագավոր Ուրսան նախապատրաստվում է հարձակվել Շուբրիայի վրա՝ նրա քաղաքները կողոպտելու նպատակով. «Շամաշ՝ մեծ տեր, այս օրվանից, նիսաննու ամսվա այս օրվանից մինչև զուգու ամսի առաջին օրը այս տարվա, Ուրսան՝ Ուրարտուի թագավորը, կբռնի՞ արդյոք ճանապարհ Շուբրիայի վրա արշավելու, Շուբրիայի քաղաքների մեջ կոխի տալու. կողոպտու ու ավար կկատարի՞ Շուբրիայի քաղաքներից, կգնա՞ արդյոք, կսպանի՞, ում պիտի սպանել, կկողոպտի՞ ունեցվածքը, կգերեզմարի՞ գերիներին կամ ամ-

¹⁰ Д. Н. Саркисян. Страна Шубриа в урартских надписях.—Древний Восток, 2. Ереван, 1976; с. 122.

¹¹ E. Forrer. Die Provinzeinteilung des Assyrischen Reiches (PAR). Leipzig 1920, S. 87.

¹² Д. Н. Саркисян. О причинах похода 673 года Асархаддона на Шубрию.—Древний Восток, 3, Ереван, 1978, с. 168.

¹³ Th. Bauer. Ein Erstbericht Asarhaddons.—Zeitschrift für Assyriologie und verwandte Gebiete (ZA). NF, VI, 3/4, Berlin, 1931, col. III. S. 246—248 (Vergl. S. 258). Linie 28—34; R. Borger. Der „Gottesbrief“.—Die Inschriften Asarhaddons Königs von Assyrien (IAKA). Graz, 1956, col. III, S. 106, Linie 28—34; D. D. Luckenbill. Ancient Records of Assyria and Babylonia (ARAB). II, Chicago, 1927, § 607; АВИИУ, № 67 (л).

¹⁴ Ն. Ադնեց. Հայաստանի պատմություն. Երևան, 1972, էջ 138; Г. А. Меликишвили. Нанри—Урарту, с. 314; И. М. Дьяконов. Предыстория армянского народа, с. 172; Н. В. Арутюнян. Бияйнили. Ереван, 1960, с. 326. Ս. Տ. Երեմյան. Հայ ժողովրդի կազմավորման ավարտը և հայկական առաջին պետական կազմավորումները, էջ 428:

րոցներից կիսի¹⁵ ունեցվածքը»¹⁵, եթե Ի. Ա. Կնուդզոնը այս հատվածի դեպքերը վերագրում է Շուբրիայի վրա Ասարխադդոնի կատարած 673 թ. արշավանքից անմիջապես առաջ ընկած ժամանակաշրջանին, երբ «թիկունքի թըշնամիները գրավում են Շուբրիան, իսկ Ասարխադդոնը վերանվաճում է այն»¹⁶, սույա Գ. Ա. Մելիքիշվիլին¹⁷ և Ն. Վ. Հառությունյանը¹⁸, ընդհակառակը, Շամաշին ուղղված հարցման դեպքերը վերագրում են 673 թ. արշավանքից հետո ընկած ժամանակաշրջանին (Գ. Ա. Մելիքիշվիլին թվագրում է 673—672 թթ., իսկ Ն. Վ. Հառությունյանը՝ 672 թ.):

Այն կարծիքը, թե հարցումը վերաբերում է 673 թ. նախորդող ժամանակին, միանգամայն հավանական է։ Սակայն, հակառակ Կնուդզոնի եղրակացության, ակնհայտ է, որ Ռուսան չի իրականացրել Շուբրիան նվաճելու իր մտադրությունը։ Իսկ ուր նա այդպիսի մտադրություն կարող էր ունենալ՝ միանգամայն բնական է։ Նրա ղողապատճառներն այս դեպքում նույնն էին, ինչ և Ասարխադդոնին, այն է՝ նվաճել Շուբրիան, պատժել նրա անհնազանդ թագավորին և վերադարձնել փախստականներին։ Սակայն նա ինչ-ինչ պատճառներով հետաձգել է իր մտադրությունը, մինչև որ Ասարխադդոնը, գուցե և տեղեկանալով դրան, ինքն է նախահարձակ եղել և նվաճել Շուբրիան 673 թ.։

Նույնքան հավանական է նաև մյուս կարծիքը, թե «Հարցում Շամաշ աստծու մարգարեությանը» տեքստաշարի վերոհիշյալ հասվածի դեպքերը վերաբերում են 673 թ. արշավանքից անմիջապես հետո ընկած ժամանակաշրջանին, մանավանդ որ, ինչպես կտեսնենք հետագայում, Ուրարտուի նույն թագավոր Ռուսա II-ի զորահրամանատարը Ասարխադդոնին հաջորդող Աշշուրբանապալի (668—663) օրոք հարձակվում է Շուբրիայի վրա։ Թե՛ մեկ, թե՛ մյուս կարծիքը ցույց են տալիս, որ Ուրարտուն տրամադրված է եղել նվաճել Շուբրիան՝ լինի 673 թ. արշավանքից առաջ, թե նրանից հետո։

Որպեսզի ավելի պարզ դառնա, թե իսկապես ո՞ր ժամանակաշրջանին են վերաբերում «Հարցում Շամաշ աստծու մարգարեությանը» տեքստաշարի վերոհիշյալ հատվածի դեպքերը, ամենից առաջ անհրաժեշտ է պարզաբանել այն հարցը, թե ինչո՞ւ Ասարխադդոնի 673 թ. արշավանքի ժամանակ Ուրարտուն չեղոք դիպք է բռնում Շուբրիայի նկատմամբ, երբ ինքը՝ Ուրարտուն, տրամադրված է եղել նվաճել Շուբրիան՝ 673 թ. արշավանքից առաջ, կամ նրանից հետո։ Այս հարցը պարզաբանելու համար որոշակի տվյալներ է հաղորդում Ասարխադդոնի «Հարցում Շամաշ աստծու մարգարեությանը» տեքստաշարի մի այլ հատվածը. «...Ուրսան՝ Ուրարտուի թագավորը, որին անվանում են Յայա, Պա[...] երկրի թագավորը, որին անվանում են [...], խորհե՞լ են արդյոք, մտածե՞լ են արդյոք, լինի իրենց խորհրդատուների խորհրդով, լինի նախքան սեփական զինվորական ուժերով, լինի գիմիրացիների (Lugi-mir-ra-a) հետ, լինի դաշնակիցների (ki-tar-ru) հետ, որոնք նրանց հետ են. այդ ամսից, որտեղ նրանք գտնվել են, կրոնե՞ն արդյոք ուղի և ճանապարհ՝ մարտ, կռիվ ու ճակատամարտ կատարելու, սպանության, կողոպուտի և գերեզմանության համար Շուբրիա երկրում՝ լինի Պումու (URU-u-mu) քաղաքում, լինի Քուլլամմերի (URUKul-lam-me-ri) քաղաքում, լինի Շուբրիայի ուրիշ բերդաքաղաքում. կգնա՞ն արդյոք, կսպանե՞ն արդյոք, ում պիտի սպանեն, կկողոպուտե՞ն արդյոք ունեցվածքը, կգերեզմարե՞ն արդյոք գերիներին. կամ Շուբրիայի բերդերից դուրս կհանե՞ն ինչ որ կա մեծ ու փոքր ու կվերցնեն իրենց»¹⁹։

¹⁵ J. A. Knudtzon. Assyrische Gebiete an den Sonnengott. Leipzig. 1893. Band I, № 48, S. 19, Rs. Linie 5—11; Band II, № 48, S. 150, Rs., Linie 5—11.

¹⁶ J. A. Knudtzon. Op. cit., S. 149—153.

¹⁷ Г. А. Меликишвили. Напрн—Урарту, с. 314.

¹⁸ Н. В. Арутюнян. Бнайили, с. 326.

¹⁹ J. A. Knudtzon. Op. cit., Band I, № 48, S. 18, Vs. Linie—11; Band II, № 48, S. 149, Vs. Linie 4—11; АВИИУ, № 68(a).

ի տարբերություն նախորդի, Ասարխադդոնն այս հատվածում խոսում է **LÜgimurraja «գիմիրացիների»** և ինչ-որ **kitarru «դաշնակիցների»** մասին, որոնք միացել են Ուրարտուն ու դարձել նրա համահոհները և օգնականները²⁰:

Գ. Ա. Մևլիբիշվիլին²¹ այն կարծիքն է հայտնել, թե Ուրարտունի և կիմերների դաշնակցությունը սկսվել է 672 թ.: Ուստի կարելի է մասնանշած տրվյալներից ենթադրել, որ 673 թ. արշավանքից անմիջապես հետո, այն է՝ 672 թ. **Ուրարտունի, LÜgimurraja «գիմիրացիների»** և **kitarru «դաշնակիցների»** ստեղծած նոր միությունն է ուժ հաղորդել Ուրարտունին՝ խախտելու ուրարտա-ասսուրական հարաբերության համալսությունը և հարձակման նախապատրաստվելու Շուբրիայի, այսինքն՝ արդեն Ասորեստանի վրա, որից էլ տաղնապահար Ասարխադդոնը դիմում է Շամաշի գուշակությանը:

Հիրավի, եթե Ուրարտուն այդպիսի ուժ ունենար 673 թ. արշավանքից առաջ, ապա 673 թ. արշավանքի ժամանակ Շուբրիայի նվաճման հարցում չեղոր դիրք չէր զբաղի, որպեսզի այդ արշավանքից անմիջապես հետո, այն է՝ 672 թ., նույն ուժերով նոր միայն փորձեր Շուբրիայի համար պայքարի ելնել Ասորեստանի դեմ:

Ինչևիցե, եթե Ռուսան 673 թ. հետո նման մի մտադրություն ունեցել է, ապա նա Ասարխադդոնի օրոք, այսինքն՝ մինչև 668 թ., այն չի իրականացրել կամ իրականացնելով, անհաջողության է մատնվել: Գուցե այդ մտադրության ուղայած իրականացումն է ուրարտական դորահամանատարի (թուրթանի) հարձակումը Շուբրիայի վրա արդեն Աշշուրբանապալի օրոք: Իրադրություն, որին, ինչպիսի ասվեց վերևում, կծանոթանանք քիչ հետո:

Վերոհիշյալ այս երկու ենթադրություններից, այսուհանդերձ, ավելի հավանական է թվում երկրորդը, այն է՝ ոչ Ուրարտուն 673 թ. արշավանքից հետո է ծրագրում հարձակվել Շուբրիայի վրա՝ Ասորեստանից այն վերանվաճելու նպատակով: Փաստերը հաստատում են, որ Ասարխադդոնը Շուբրիայի առթիվ Ուրարտունի նկատմամբ վարել է նուրբ դիվանագիտական քաղաքականություն: Նա Շուբրիայում ապաստանած ուրարտական փախստականներին վերադարձնում է Ուրարտունին, որպեսզի ինքը կարողանա առանց վերջինիս միջամտության զավթել սամբողջ Շուբրիան: Ռուսա II-ը իր հերթին ինչ-ինչ պատճառներով անմիջապես չի միջամտում Ասարխադդոնի գործողություններին: Թերևս Ասորեստանից Սարգուրի II-ի և Ռուսա I-ի ժամանակ Ուրարտունի կրած վերքերը դեռ չէին սպիացել. դրա ցայտուն վկայությունն էր Շուբրիայի անջատվելը Ուրարտունից 714 թ. պասերաղմի հետևանքով: Այս հանդամանքը կաշկանդում էին Ուրարտունին՝ մենակ դուրս գալու հզոր թշնամու դեմ: Սակայն Շուբրիայի կորուստն իր հերթին թանկ էր նստում Ուրարտունին, որովհետև Շուբրիան ոչ միայն բարիքի աղբյուր էր, այլև ստրատեգիական խոշոր պատվար, որտեղ ամրանալով Ասորեստանը անմիջականորեն մոտենում էր Ուրարտունի հարավային սահմանին: Ուրարտունի համար հրատապ պահանջ էր՝ գոնե վերականգնել Շուբրիայի նախկին վիճակը: Հանուն այս նրպատակի Ռուսա II-ը որոնում և գտնում է իրեն օգնող ուժեր. դրանք էին

LÜgimurraja «գիմիրացիները» և **kitarru «դաշնակիցները»:**

Այս ամենը ստիպում է մտածել, որ Ասորեստանի և Ուրարտունի փոխհարաբերությունները Ասարխադդոնի կառավարության ժամանակաշրջանում հազիվ թե հնարավոր լինի բնութագրել որպես «բարեկամական» կամ «չեղոր»: Դրությունը եղել է բարդ: Կողմերից յուրաքանչյուրը լարվածությամբ է հետևել մյուսի քաղաքականության նրբին հարցերին, ամենափոքրագույն հնարավորությունը փնտրել է շարունակելու սահմանամերձ գոտում ազդեցություն և իշխանության համար վաղուց սկսված պայքարը:

²⁰ Д. Н. Саркисян. Страна Шубри (Автореферат диссертации на соискание ученой степени кандидата исторических наук, Ереван, 1978), с. 17.

²¹ Г. А. Меликишвили. Наирн—Урарту, с. 314.

Ասարխադդոնից հետո Ուրարտուում դեռևս շարունակում է թագավորել Ռուսա II-ը, որը ձգտում է իրագործել Շուբրիայի կապակցությամբ իր վաղեմի մտադրությունները։ Շուբրիայի վրա այն արշավանքը, որ նա պատրաստել էր դեռևս Ասարխադդոնի ժամանակ և որը մնացել էր անիրագործելի կամ մատնվել էր անհաջողության, տեղի է ունեցել Ասարխադդոնին հաջորդող Աշշուրբանապալի (668—633) ժամանակ։ Այդ մասին Աշշուրբանապալը գրում է. «Անդադիան՝ մարզի կառավարիչը (տարբերակ՝ թուրթսն-գորահրամանասարը—Դ. Ս.) Ուրարտուի, որ իջել եկել էր գիշերով գրավելու Ուպպումմե երկիրը և Քուլլիմմեի երկիրը՝ Քուլլիմմեի քաղաքում ապրող բնակիչներին՝ ինձ հնազանդ ստրուկները, գիշերվա պահին նրա ջարդը հասցրին, չազատվեց ոչ մեկը։ Գլուխը Անդադիայի կտրեցին և ուղարկեցին ինձ Նինվե»²²։ Ակնհերձ է, որ ուրարտական զորահրամանատար Անդադիան նվաճելու նպատակով հարձակվել է Շուբրիայի Ուպպումմե և Քուլլիմմեի մարզերի վրա, բայց պարտություն է կրել։

Այսպիսով, Շուբրիայի հարցում ասսուրա-ուրարտական փոխհարաբերությունները ինչպես Ասարխադդոնի, այնպես էլ Աշշուրբանապալի ժամանակ, երբ Ուրարտուում թագավորում էր Ռուսա II-ը, կրել են ծայրահեղ հակամարտ, թշնամական բնույթ։

Այժմ քննենք հայկական ժողովրդական ավանդությունների (այստեղ նրկատի ունենալով ինչպես խորենացու Պատմությունը, այնպես էլ հայկական ժողովրդական «Սասնա ծռեր» էպոսը) և սեպագիր արձանագրությունների տվյալները Աստվածաշնչի՝ RRT—Ararat—Urartu երկրի և KURSubria երկրի փոխհարաբերությունների վերաբերյալ։

«Սասնա ծռեր» էպոսի մի շարք պատմմաներում հիշատակվում է Սենեբերիմ թագավորը, որին սպանում են իր որդիները՝ Սանասարն ու Բաղդասարը, ապա փախչում են Վանի թագավորի մոտ և նրա օգնությամբ բնակվում Սասունում²³։

«Սասնա ծռեր» էպոսում, ուրեմն, Սինախերիբի որդիներին ապաստան տվող երկիրը կոչվում է Սասուն, որը գտնվել է Վանի թագավորության սահմաններում կամ նրանց կից։

Խորենացու Պատմության համապատասխան դրվագում Սինախերիբի հայրասպան որդիներին ապաստան տվող երկրի մասին հետևյալ տեղեկություն է պահպանվել. «Նաբուգոդոնոսորի թագավորությունից ութսուն, քիչ ավելի կամ պակաս տարի առաջ՝ այս Սենեբերիմը Ասորեստանի թագավոր է եղել, նա որ Երուսաղեմը պաշարեց հրեաների Եղեկիա առաջնորդի ժամանակ։ Նրա որդիները, Ադամելեք և Սանասար, նրան սպանելով, փախան եկան մեզ մոտ»։

Սրանցից մեկին, այն է՝ Սանասարին, մեր քաջ նախնի Սկայորդին բնակեցնում է նույն Ասորեստանի սահմանների մոտ, մեր աշխարհի արևմտյան-հարավում։ Նրա սերունդն աճելով ու բազմանալով լցրեց Սիմ կոչված լեռը։ Իսկ նրանցից ակնավոր ու գլխավոր մարդիկ վերջերը գործերով հավատարմություն ցույց տալով մեր թագավորներին՝ արժանացան այդ կողմերի բզեշխությունն ստանալու։ Իսկ Առգամոդանը բնակվեց նույն կողմի արևելյան-հարավում։ Պատմագիրն ասում է, թե սրանից սերվեցին Արծրունիներն ու Գնունիները²⁴։

Այսպիսով, ըստ Խորենացուն հասած ավանդական սովյալների, Սինախերիբի հայրասպան որդիներից Սանասարը բնակություն է հաստատել «մեր աշխարհի արևմտյան-հարավում», «Ասորեստանի սահմանների մոտ», Սիմ

²² G. Smith. History of Assurbanipal. London, 1871, part VI, Cylinder „A“, col. IV, p. 98—99, line 6—14 (հմտ. АВММУ, № 73, որտեղ տեքստը ունի բացթողումներ)։

²³ Տե՛ս Սասնա ծռեր. հ. Բ, Երևան, 1951, էջ 485 և հտ., ինչպես և այլուր։

²⁴ Մ ո վ ս ե ս Խ ո Ր Ե Ն ա ց ի. Հայոց պատմություն, թարգմ. Ստ. Մախասյանցի. Երևան, 1961, գիրք I, գլուխ ԻԳ։

լեռան շուրջը, իսկ Ադրամելեքը (տարբերակ՝ Արգամոզան)՝ «նույն կողմի արևելյան-հարավում», հետագայի Արծրունիների ու Գնունիների տոհմական հայրենիքում։ Խորենացու պատմության զրվագում բոլորովին նոր երևույթ է «մեր քաջ նախնի Սկայորդին», որը Սինախերիբի (705—681) սպանության նախօրյակին ու նրանից հետո իշխանություն է ունեցել վերոհիշյալ տերիտորիայում։

Իբրեւնական ժամանակագրությունները հետևյալ տեղեկությունն են պահպանել. «Տեբեթու ամսի 20-ին Սինախերիբին՝ Ասորեստանի թագավորին, խոսվության ժամանակ սպանեց իր որդին (aplu-šū)։ Սինախերիբը 25 տարի թագավորեց Ասորեստանի վրա։ Տեբեթու ամսի 20-ից մինչև աղղարու ամսի 2-ը Ասորեստանում տիրեց խռովություն։ Սիմանու ամսի 18-ին նրա որդի Աշշուրախիդդինը (Ասարխազդոն—Դ. Ս.) բարձրացավ ասսուրական դահին»²⁵։

Եթե բաբելոնական ժամանակագրության մեջ մատչանշվում է, թե Սինախերիբից դժգոհ էր նրա մի որդին, որը սպանում է իր հորը, ապա Ասարխազդոնը իր մի արձանագրությունում հիշատակում է, որ զրանց թիվը մեկից ազլին էր. «Ստույգ փաստը իմ թագաժառանգության մասին հայտնի դարձավ իմ եղբայրներին (ahīeē^{MEŠ}), և նրանք մոռացան աստվածների պատգամները ու անձնատուր լինելով իրենց դաժան մտադրություններին, մտադրելով չարիք, չար լեզու, ցանկելով զրուարտություն, աստվածների կամքին հակառակ նրանք աստամբվեցին իմ դեմ և մեղսագործ անհավատարմությունով իմ մեջքի ետև նրանք մատաղրեցին ապստամբություն։ Հասկանալով իմ հոր կամքը, հակառակ աստվածների մտադրության նրանք փորձում էին լսել իմ դեմ նրան, ով եղել է ջերմ սրտով իմ նկատմամբ։ Այդ նպատակով նրա հետ նրանք վարվում էին լավ։ Բայց նրա աչքերը հառած էին իմ վրա, որպեսզի պահպանեին իմ արքայական իշխանությունը»²⁶։ Նրանք ապստամբեցին և թագավորությանը տիրանալու համար սպանեցին Սինախերիբին²⁷։ «Եղբայրներս,— մի ուրիշ արձանագրության մեջ պատմում է Ասարխազդոնը,— երբ լսեցին իմ արշավանքի մոտենալու մասին, լքեցին իրենց հավաքած զինվորական ուժերը՝ փախան անհայտ տեղ»²⁸։ Ակներև է, որ այստեղ խոսքը վերաբերում է հայրասպան եղբայրներին, որոնց Ասարխազդոնը հալածում է։ Սակայն թե ինչ անունով երկիր են նրանք փախել, Ասարխազդոնը չի մատնանշում, այլ ասում է «անհայտ տեղ»։

Սինախերիբն ունեցել է հինգ որդի. ավագ որդին՝ Aššur-nadin-šum²⁹, երկրորդը՝ Arad-Ninlil³⁰, երրորդը՝ Assur-aḫu-iddin (Ասարխազդոն), չորրորդը՝ Aššur-šum-ušabši³¹, հինգերորդը՝ Aššur-īlu-muballisu³²։

²⁵ E. Schrader. Keilinschriftliche Bibliothek (KB). II, Berlin, 1890, S. 280—282. Babylonische Chronik „B“, Linie 34, 38; ABNIV, № 63.

²⁶ R. C. Thompson. The prisms of Esarhaddon and of Ashurbanipal. London, 1931, p. 10, line 23—31; A. T. Olmstead. History of Assyria. New York—London, 1923, p. 338; Ն. Ադոնց, Նշվ. աշխ., էջ 130.

²⁷ A. T. Olmstead. Op. cit., p. 338; Ն. Ադոնց, Նշվ. աշխ., էջ 130.

²⁸ ARAB, II, §§ 501—505; ABNIV, № 62, րոմ 7.

²⁹ C. Bezold. Inschriften Sanherib's.—KB, II, S. 98—99, Linie 63; R. C. Thompson. Op. cit., col. III, line 63; Ն. Ադոնց, Նշվ. աշխ., էջ 129, ծան. 2.

³⁰ C. H. W. Johns. Assyrian Deeds and Documents. I, Cambridge, 1898, p. 15, № 20; Ն. Ադոնց, Նշվ. աշխ., էջ 129 ծան. 2.

³¹ V. Scheil. Une brique de Sennachérib avec mention probable du nom du meurtrier de ce roi.—ZA, XI, Leipzig, 1896, p. 425—427 (comp. ZA, XII, 1897, p. 62 et contin; N. Adontz. Histoire d'Arménie. Paris, 1946, p. 126, ann. 2).

³² V. Scheil. Pierre avec inscription de Sennachérib, mentionnant un nouveau fils de ce roi.—Recueil de travaux relatifs à la philologie et à l'archéologie égyptiennes et assyriennes. XXVI, Paris, 1904, p. 27—28; Ն. Ադոնց, Նշվ. աշխ., էջ 129, ծան. 2.

Հինգ որդիներից Աշշուր-նադին-շումը՝ Սինախերիբի ավագ որդին և գահաժառանգը, սպանվել է դեռևս 694 թ.³³ Մնացած չորս որդիներից Սինախերիբն իր գահի ժառանգորդ է նշանակում ոչ թե երկրորդ որդուն՝ Արադ-Նինիլին, այլ երրորդին՝ Ասարխադդոնին։ Բնական է ենթադրել, որ Սինախերիբի սպանությունը կարող էր կազմակերպել ամենից առաջ երկրորդ որդին՝ Արադ-Նինիլը, որին Սինախերիբը արհամարհել ու ղրկել էր արքայական դահի ժառանգորդի իրավունքից, բայց ըստ երևույթին սրան հաջողվել է իր կողմը զրավել նաև իր մյուս եղբայրներին։

Գիտական գրականության մեջ շատ են քննարկվել մի կողմից Աստվածաշնչում (ինչպես նաև հորենացու Պատմությունում և «Սասնա ծռեր» էպոսում), մյուս կողմից սեպագիր արձանագրություններում պահպանված ասիականությունները Սինախերիբի որդիների անունների վերաբերյալ և զանազան փորձեր են արվել համաձայնեցնել կամ բացատրել դրանք³⁴։ Ինչևհետե, փաստն այն է, որ Ադրամմեիլեքի և Շարեթերի նախատիպերն են եղել Արադ-Նինիլը, Աշշուր-շում-ուշաբշին, գուցե նաև Աշշուր-իլու-մուբալլիսուն։

673 թ. Շուրբիայի վրա Ասարխադդոնի կատարած արշավանքի արդյունքները³⁵ ցույց են տալիս, որ Ասորեստանի թագավորը նվաճում է ամբողջ Շուրիան, տապալում Շուրբիայում իշխող խուրրիական դինաստիան, սպանում է երկրի թագավոր ¹Ni-ig-Te-sub-ին, երկիրը բաժանում Ուպպումմու և Բուլլիմմերի ասսուրական երկու վարչական միավորների միջև և նրանց վրա որպես կառավարիչներ նշանակում իր երկու մերձավորներին՝ ¹Marduk-eriba-ին (այլ ընթերցում՝ ¹Bi-'lu) և ¹Bel-iddina-ին։ Ասարխադդոնին հաջողվում է նաև Շուրբիայից դուրս կորզել ասսուրական բոլոր փախստականներին։ Սակայն Շուրբիայում ապաստանած ասսուրական փախստականների շարքում չեն հիշատակվում Սինախերիբի ապստամբ որդիները, համենայն դեպս, այդ մասին ոչինչ չի ակնարկում ինքը՝ Ասարխադդոնը, Շուրբիան նրվաճելու հետ կապված իր «նամակ Աշշուր աստծուն» ընկարծակ ուղերձի մեջ, մի բան, որ սպասելի էր, եթե դեպքը իրոք տեղի ունեցած լիներ։

Ինչպես ընդգծում է է. Ֆորբերը³⁶, ըստ ասսուրական արքայական հետախուզական նամակների տվյալների, 714 թ. ասսուրա-ուրարտական պատերազմից հետո Շուրբիան անկախացել է Ուրարտուից։ Իսկ ըստ Ասարխադդոնի «նամակ Աշշուր աստծուն» ուղերձի տվյալների, Ուրարտուից Շուրբիայի անկախ վիճակը տևել է մինչև 673 թ., երբ Շուրբիան նվաճվում է Ասարխադդոնի կողմից և մտցվում Ասորեստանի տիրապետության տակ, հորենացու Պատմության դրվագի տեղեկություններից էլ իմացանք, որ Սինախերիբի որդիներին Սանասար (Աստվածաշնչում՝ Շարեթեր) ապաստան է գտել «մեր աշխարհի» «արևմտյան-հարավում», «Սիմ լեռան» շուրջը, որտեղ գտնվել է վաղ հայկական Սանասուն կամ Սասուն գավառը, որը, ըստ «Սասնա ծռեր» էպոսի տվյալների, դարձյալ համարվել է Սինախերիբի ապստամբ որդիների փախուստի վայրը։

Ն. Ադոնցը ընդգծում է Սանասուն կամ Սասուն գավառի տերիտորիալ տարբերությունը Շուրբիայից. «Շուրբիա պետությունը բաղկացած էր երեք գավառներից՝ Ուպպումմե=Իլիջայի կաղա, Կուլլիմերի=Խարդանի կաղա և միջանկյալ գավառը՝ Սելիվանի կաղա...։ Ուլուբան կամ Խուլպի կաղան Շուրբիայի մասը չէր կազմում. նա մտնում էր Ուսուսուանի (=Սանասուն կամ Սասունի կաղա) հետ միասին Ուրարտուի իշխանության տակ, ինչպես մեր օրերում այս երկու կաղաները՝ Խուլպն ու Սասունը, Մշո (Մուշի) սանջակի

³³ Ն. Ադոնց, նշվ. աշխ., էջ 129։

³⁴ H. Winkler. Šarešer und Assarhaddon. Altorientalische Forschungen. II, Leipzig, 1901, S. 53—59.

³⁵ Նույն տեղում, էջ 27—41։ ZA, S. 234—259; IAKA, S. 102—107; ARAB, II §§ 593—612. АВИИУ, № 67.

³⁶ PAR, S. 87.

մեջ են մտնում, մինչդեռ Լիլիան ու Սիլիվանը՝ Դիարբեքիի սանջակի»³⁷։ Այսպիսով, Ն. Ադունը ընդգծում է, որ Սասունին համապատասխանել է սեպագիր արձանագրությունների Ուսուսուանի մարզը (KUR³⁸ Ususuani), որը Ուրարտուի կազմում է եղել դեռևս Մենուայի (810—786)³⁸ ժամանակից և տարբերվել է Շուրբիա երկրից³⁹։

Խորհնացու Պատմության հաղորդած աեղեկություններից իմացանք նաև, որ Սինախերիբի մյուս որդին՝ Ադրամելեքը ապաստան է գտել «մեր աշխարհի» «արևելյան-հարավում», Արծրունիների ու Գնունիների տոհմական երկրներում։ Ս. Տ. Երեմյանը Արծրունիների ժառանգական հայրենիքի տեղագրության մասին գրում է. «Ադրակ Մեծ գավառ.—Վասպուրականի 17-րդ գավառը, 1655 կմ² տարածությամբ, գրավում է Մեծ Զավ դետի վերին հոսանքը, որը կոչվում էր Ադրակ գետ, այժմ Ադրակ-սու, գավառիս կենտրոնն էր Հադամակերտ ավանը (այժմ Բաշ-Կալե)։ Նրանից ոչ հեռու գտնվում էր Սուրբ Խաչ կամ Բարդուղիմեոսի վանքը։ Ադրակ Մեծը Արծրունի տոհմի ժառանգական հայրենիքն էր»⁴⁰։

Ս. Գ. Բարխուդարյանը⁴¹ նույնպես Արծրունի տոհմական երկիրը տեղադրում է Ադրակ գետի ակունքների շուրջը և նրա անունը համադրում Վանից արևելք գտնվող Շուշանց-Սղգայ բնակավայրից հայտնաբերված Ուրարտուի թագավոր Մենուայի արձանագրության մեջ հիշատակված Arsuniuini տեղանվան հետ⁴²։ Ինչպես ընդգծում է Գ. Ա. Մելիքիշվիլին⁴³, արձանագրության ընդհանուր իմաստից հասկանալի է, որ այն կրում է կրոնական բնույթ, նրա մեջ խոսք է գնում խալդյան դարպասին զոհ մատուցելու և ապա նրանից կյանք, առողջություն խնդրելու մասին։ Իսկ դա նշանակում է, որ Arsuniuini բնակավայրը կապվում է բուն ուրարտական աշխարհի հետ լին՝ տերիտորիայով (այն գտնվել է Ուրարտուի Տուշպա-Վան թագավորանիստ քաղաքից ոչ հեռու) և թե՛ այնտեղ իշխող ուրարտական խալդի աստծու պաշտամունքով։

Ս. Գ. Բարխուդարյանը մատնանշում է ուրարտական Arsuniuini բնակավայրի և հայկական Արծրունի ցեղի հետևյալ աղբյուրները. «Արծրունի նախարարական ստհմը առաջացել է Արծրունիների տոհմից, որը Ուրարտուի դարաշրջանում ապրում էր Վանից հարավ, իսկ հետագայում բնակվում էր Ադրակ գավառում... Հավանական է թվում, որ ուրարտական պեսության վաղ շրջանում Արծրունի տոհմի զբաղեցրած տերիտորիան գտնվել է թագավորության կենտրոնական մասում, Վանից մի քիչ արևելք, իսկ հետագայում, հնարավոր է Ուրարտուի անկման փուլում, Արծրունիները նահանջել են դեպի հարավ-արևելք և ամրացել Ադրակ ծայրագավառում, որտեղ Արծրունի նախարարական տոհմը հանդես է եկել Հայաստանի պատմության հենց սկզբում»⁴⁴։

37 Ն. Ադուն, նշվ. աշխ., էջ 200—201։

38 Г. А. Мелнишвили. Урартские клинообразные надписи (УКН). М., 1960, № 28, стр. 7.

39 Սասունի հետ համեմատելի է նաև KUR³⁸ Sašnuini մարզը, որը հիշատակվել է KUR³⁸ Alzi (հմտ. վաղ հայկական Աղձն գավառը՝ Սասունի լեռնային զանգվածի արևելքում) մարզի հետ։ Մենուայի ժամանակից եղել է Ուրարտուի կազմում և տարբերվել է Շուրբիա երկրից (УКН, №№ 372₂₅, 373₂₄)։ Հավանաբար այս KUR³⁸ Sašnuini-ն KUR³⁸ Ususuani-ի տարբերակն է։

40 Ս. Տ. Երեմյան. Հայաստանը ըստ «Աշխարհացոյց»-ի. Երևան, 1963, էջ 33։

41 С. Г. Бархударян. Урартское происхождение армянского нахарарского рода Арцруни.—Исследования по истории культуры народов Востока. М., 1960, с. 37—38.

42 УКН, № 97.

43 УКН, № 196.

44 С. Г. Бархударян. Указ. соч., с. 37—38.

Իր գրաված տերիտորիայով Արծրունի-Arsuniuni մարզը տարբերվել է Շուրբիայից: Վերջինիս կազմում նման անունով մարզ կամ բնակավայր երբեք չի հիշատակվել: Arsuniuni-Արծրունի մարզը Ուրարտուի կազմում հիշատակվել է դեռևս Մենուայի ժամանակից:

Այնուհետև, Խորենացու Պատմության համապատասխան դրվագից հասկանալի է, որ Արծրունիների և Գնունիների սահմական երկրները գտնվել են իրար կողքի («Ասորեստանի սահմանների մոտ, մեր աշխարհի... արևելյան-հարավում»): Ուստի Ադբակ գետի ակունքների և Վանի արանքում պետք է փնտրել Գնունի սահմական երկիրը:

Սարգոն II-ի ժամանակաշրջանի աստուրական հետախուզական նամակներից մեկը, որը Ի. Մ. Դյակոնովի⁴⁵ կարծիքով վերաբերում է Սարգոն II-ի կողմից 714 թ. Ուրարտուի վրա կատարած արշավանքի նախօրյակին, հետևյալ տեղեկությունն է պահպանել ուրարտական մարզերի մասին. «Ուրարտուի» 5 մարզային կառավարիչները մուտք գործեցին Ուեսի քաղաք. Սեթինուն, որը [...] թեև մարզի կառավարիչն էր, Կակկադանուն, որը ուբայացիների դիմացի մարզի կառավարիչն էր, Սակուաթան (¹Sa-qīku-a-ta-a), որը Կանիուն (^{KUR}Qa-ni-un) մարզի կառավարիչն էր, Սիպլիան, որը Ալզի մարզի կառավարիչ էր, Տուիուն, որը Արմիրալիու մարզի կառավարիչն էր—ահա նրանց անունները: Նրանք մուտք գործեցին Ուեսի քաղաք «ուղտատիրոջ քաղաքից»: Այժմ նրանք ոտքի են կանգնեցրել այնտեղի իրենց ուժերը, նրանց չորքը կլինի ու[ժեղ]: Թագավորը դուրս եկավ Տուրուշ[պ]այից և գնաց Կանիուն քաղաք (^{URU}Qa-ni-un)⁴⁶:

Տեքստում հիշատակված մարզերից ուբայացիների մասով, ըստ Ի. Մ. Դյակոնովի⁴⁷, տեղագրվում է Ասորեստանի և Ուրարտուի սահմանների միջև գտնվող լեռներում. ըստ կոնտեքստի, նրա դիմաց, այսինքն՝ Ուրարտուի հարավ-արևելքում է գտնվել Կակկադանուի մարզը. Ալզին համապատասխանում է հայկական Աղձնիքին (Վանա լճից հարավ-արևմուտք). Արմիրալիուն նույնն է, ինչ որ Սալմանասար III-ի հիշատակած Առամալին և Սարգոն II-ի հիշատակած Արմարիլին-Արմարիլային, որը գտնվել է Տուշպա-Տուրուշպա (Վան) մարաքաղաքից արևելք: Ինչ վերաբերում է Կանիուն մարզին, ապա Ի. Մ. Դյակոնովը⁴⁸ նշում է, որ նրա տեղն անորոշ է:

Սակայն մի շարք փաստեր մատնանշում են Կանիուն մարզի տեղը: Նախ՝ վերոհիշյալ տեքստում Կանիուն մարզը հիշատակվում է ուբայացիների մարզից և Կակկադանուի մարզից անմիջապես հետո, այսինքն՝ Ուրարտուի և Ասորեստանի սահմանների միջև գտնվող լեռներում, Ուրարտուի հարավում: Այնուհետև՝ նույն տեքստում հիշատակվում է, որ Ուրարտուի թագավորը Տուրուշպայից գնացել է Կանիուն, իսկ նրա 5 մարզերի կառավարիչները գտնվել են Ուեսի քաղաքում: Հավանաբար, թագավորը Տուրուշպա-Տուշպայից գնում է Կանիուն, որպեսզի բացահայտի Ուեսիում գտնվող կառավարիչների գործողությունները: Այս մասին տեղեկություն է ապրիս Սինախերիբի՝ Սարգոն II-ին ուղարկած նամակներից մեկի հետևյալ հատվածը. «Ուղղանան գոել է ինձ հետևելը՝ ուրարտացին (Ուրարտուի թագավոր Ռուսա I-ը—Դ. Ս.), որը [...], հենց նոր եկավ, [...], նրա զորքերը ջարդվեցին: Ուստի քաղաքի (Ուեսի քաղաք—Դ. Ս.) մարզի կառավարիչը սպանված է»⁴⁹, Տուրուշպա-Տուշպա (Վան) մարաքաղաքը գտնվել է Վանա լճի հարավ-արևելյան ափին, որի շուրջն էլ

⁴⁵ АВИИУ, № 50 (3, 4).

⁴⁶ HABL, № 444, line, Obv. 4—20, Rev. 1—2; R. H. Pfeiffer. State Letters of Assyria. New Haven, 1933, N: 8, line, Obv. 4—20, Rev. 1—2; WRCAE, № 444, line, Obv. 4—20, Rev. 1—2; АВИИУ, № 50 (4).

⁴⁷ АВИИУ, № 50 (26), прим. 2.

⁴⁸ АВИИУ, № 50 (4), прим. 2.

⁴⁹ HABL, № 1079, line 4—9; АВИИУ, № 50 (5).

պետք է փնտրել Կանիուն մարզը, իհարկե, դեպի Ուեսի քաղաքը ձգվող տերիտորիայում, որտեղ հավաքվել էին մարզի կառավարիչները և դեպի ուր շարժվում էր Ուրարտուի թագավորը: Հետևաբար, Կանիունը ընկած է եղել Տուրուշպա-Տուշպայի (Վան) և Ուասի-Ուեսիի միջև: Այնուհետև, քանի որ Ուեսիում (Ուասի) հավաքվող ուրարտական կառավարիչների և թագավորի ուժերի ջարդի մասին հիմնական տեղեկությունը սալիս է Ուրարտուի հարավ-արևելքում, մոտավորապես Ուրմիա լճի հարավ-արևմտյան ափին տարածված՝ Արդինի-Մուծածիր երկրի թագավոր Ուրզանան, կարելի է եզրակացնել, որ ինչպես Ուեսին (Ուասին), այնպես էլ Կանիունը գտնվել են Արդինի-Մուծածիր երկրի և Ուրարտուի միջև, հատկապես Արդինի-Մուծածիր երկրի արևմրտյան սահմաններում, այն է՝ Վանա լճից հարավ-արևելք տարածված տերիտորիայում: Հետևաբար Ուրարտուի կազմի մեջ մտնող Qaniun մարզը կարելի է փնտրել Վանից հարավ-արևելք տարածված Arsuniuni-Արծրունի մարզի կամ Մեծ Աղբակ գավառի շուրջը, որտեղ, ըստ Խորենացու հաղորդած տեղեկությունների, գտնվել է Գնունի մարզը, որն Արծրունի մարզի հետ միասին եղել է Սկայորդու իշխանության տակ: Ուստի բնականաբար միտք է առաջանում Qaniun և Գնունի մարզի համադրության մասին: Ավելին, միտք է հղանում նաև Qaniun մարզի կառավարիչ Saq'kuata-ի և Խորենացու Պատմությունում հիշատակված «Գնունի» կոչվող մարզի «նախնի» Սկայորդու անունների համադրության⁵⁰ վերաբերյալ, քանի որ երկուսն էլ կապվում են միմյանց հետ թե՛ ժամանակի և թե՛ կառավարած երկրի զբաղեցրած տերիտորիայի տեսակետից (երկուսն էլ ապրել են 681 թ. նախօրյակին, երկուսն էլ իշխել են ուրարտական պետության մեջ մտնող այն տերիտորիայում, որ գտնվել է Վանի հարավ-արևելքում՝ Arsuniuni-Արծրունի մարզի կողքին)⁵²: Qaniun մարզը իր զբաղված տերիտորիայով տարբերվել է Շուբրիայից և 714 թ. ասսուրա-ուրարտական պատերազմից դեռևս առաջ հանդես է եկել Ուրարտուի կազմում:

Ամփոփելով մատնանշված բոլոր փաստերը, կարելի է եզրակացնել, որ Ասարխադդոնի և Ռուսա II-ի ժամանակաշրջանում ասսուրա-ուրարտական հարաբերությունները կրել են ոչ թե բարեկամական, այլ հակամարտ, թրջնամական բնույթ: Ուստի բացառված չէր, որ Սինախերիբի հայրասպան որդիները ապստամբ դառնեին ոչ թե Շուբրիայում, այլ հենց Ուրարտուում, ինչպես դա ընդգծվել է Աստվածաշնչում: Այդ են հաստատում նաև «Սասնա ծռեր» հայկական էպոսի և Խորենացու Պատմության տվյալները, որոնց համաձայն Սասնաուն-Սասուն (հմմտ. Ususiani-Šasuni). Սիմ լես, Արծրունի (հմմտ. Arsuniuni), Գնունի (հմմտ. Qaniun) մարզերը, ուր ապաստան են գտել հայրասպան որդիները, գտնվել են Շուբրիա երկրի սահմաններից դուրս և մտել են Ուրարտուի կազմի մեջ:

⁵⁰ Г. А. Мелikian в п.п. Напр.—Урарту, с. 36.

⁵¹ «Սկայորդին» կարող է լինել «Սաբուաթա»-ի ժողովրդական ստուգաբանական ձևը:

⁵² Սկայորդին մարզի կառավարիչ էր (Խորենացու մոտ՝ նախնի, այլ ոչ թե թագավոր), իսկ Նախիվոն II-ի (722/1—705), Սինախերիբի (705—681) և Ասարխադդոնի (680—669) ժամանակաշրջանում Ուրարտուի թագավորներն են եղել Ռուսա I-ը (735—713), Արգիշթի II-ը (713—685) և Ռուսա II-ը (685—645):

Հետևաբար, Աստվածաշնչի 'RRT-Ararat երկիրը, որին համապատասխանում է Սորենացու Պատմությունում հիշատակված «մեր աշխարհը», ավսինքն՝ Հալաստանը—Արմենիան, իսկապես պարբերում է կոնկրետ KURU-rartu-ին, այլ ոչ թե KURŠubria երկրին:

СТРАНА АРМЕНИЯ «ИСТОРИИ» ХОРЕНАЦИ
ЕСТЬ УРАТУ, А НЕ ШУБРИЯ

Д. Н. САРКИСЯН

Р е з ю м е

В статье показывается, что в эпоху царя Ассирии Ассархаддона (680—669) и царя Урарту Русы II (685—645) ассиро-урартские отношения носили не дружественный, а антагонистический, враждебный характер. Поэтому не исключено, что сыновья царя Ассирии Синаххериба (705—681) после убийства отца нашли убежище не в стране Шубриа, как предполагают Б. Б. Пиотровский, И. М. Дьяконов, Г. А. Мелникшвили и С. Т. Еремян, а в стране Урарту, как это засвидетельствовано в Библии. Свидетельство Библии подтверждают данные армянской народной традиции (имеется в виду эпос «Давид Сасунский» и «История Армении» Мовсеса Хоренаци), согласно которой области Санасун-Сасун (ср. Ususuanī-Šasuni), гора Сим, Арцруни (ср. Aršuni-pi), Гнуни (ср. Qanun), где нашли убежище отцеубийцы, находились вне границ страны Шубриа и входили в состав Урарту. Следовательно, страна Библии 'RRT—Ararat, которой соответствует упомянутая в истории Хоренаци «наша страна», т. е. Армения, и где укрылись сыновья Синаххериба, тождественна стране KURU-rartu, а не стране KURŠubria.